



UNIVERSITÄTS-  
BIBLIOTHEK  
PADERBORN

**Henrici Canisi[i] Noviomagi, Belgæ, Jn Academia  
Ingolstadiensi SS. Canonum Profess. Ordinarii & Primarii,  
Opera Quæ De Ivre Canonico Reliqvit**

**Canisius, Heinrich**

**Coloniae Agrippinae, 1662**

Tit. XII. De postulatione.

---

[urn:nbn:de:hbz:466:1-62169](https://nbn-resolving.org/urn:nbn:de:hbz:466:1-62169)

curam animarum annexam habent, nemo assumitur, nisi qui vigesimum quintum ætatis annum attigerit, & à scientia ac moribus commendetur. Assumptus verò eum Ordinem, quem ministerium requirit, (nisi eo antè insignitus sit) intra tempus à Canonibus præfixam suscipere tenetur, sub pœna privationis officii, si monitus non paruerit, *d. cap. Cùm in cunctis §. inferiora, adde Concil. Trid. Sess. 22, cap. 12, de reform. & Sess. 7, cap. 15, Sess. 22, cap. 4, Ad cæteras autem dignitates vel personatus, quibus animarum cura nulla subest, Clerici, atque idonei & XXII. annis non minores, rectè admittuntur, Concil. Trid. d. cap. 12, §. ad cæteras, adde cap. unic. De atate & qualitat. in 6, ubi permittitur Episcopo dispensare cum maiore 20, annis in dignitatibus & personatibus non curatis.*

§. 19. *Qua in Abbatissam & Priorissam eligi possit.*

In Abbatissam aut Priorissam (ubi Monasterium per Priorissam gubernatur) nulla eligitur,

nisi trigessimum annum compleverit, & expressè professæ sit ordinem regularem, ex Constitutione Bonifacii VIII. in c. Indemnitatibus 4, in princ. De elect. lib. 6, Aliter verò ex præscripto Concilii Tridentini, cuius hæc verba sunt: Abbatissa & Priorissa, & quocumque alio nomine præfecta vel præposita appelletur, eligatur non minor annis quadraginta & quæ octo annis post expressam professionem laudabiliter vixerit. Quòd si his qualitatibus non reperiat in eodem monasterio, ex alio ejusdem Ordinis eligi possit. Si hoc etiam incommo- dum Superiori, qui electioni præest, videatur, ex his, quæ in eodem monasterio annum trigessimum exceßerint, & quisque saltem annis post professionem rectè vixerint, Episcopo vel alio Superiore confentente, eligatur, Sess. 25, c. 7, de regularib. In Abbate retinemus quod proximo §. dictum est. *Glossa ad d. c. Indemnitatibus, in V. trigessimum, Panorm. ad d. §. inferiora.*

## DE POSTVLATIONE.

### TITULUS XII.

§. 1. *Postulatio quare introducta, & qui rectè postulentur.*

**P**ostulatio in subsidium electionis introducta est, ut scilicet is, qui per Canones eligi prohibetur, saltem postulationis subsidio juretur, per hanc eam à Superiore petitur gratia impedimenti Canonici remittendi, quod eligendo obstat, c. 3, c. penult. Ext. De postulat. Pralat. Veluti si de laico in Episcopum assumendo agatur, c. Osius & §. è contra dist. 61, vel de eo, qui illegitimè natus, c. Innocentius 20, Ext. de elect. aut ætate minor est, c. unico hoc tit. in extravag. communib. Hi enim, cum eligi prohibeantur, postulationis ope sublevandi sunt, c. Cùm in cunctis 7, Ext. De elect. §. iam quod 17, sup. tit. prox. dum tamen is, qui ætate minor est, XXVII. annum attigerit, ex Constitutione Joannis XXII. quæ à illi, qui ordinis Mendicantium sunt, ad Ecclesias inferiores Cathedralibus, & ad monasteria extra suos Ordines postulari prohibentur: adjectâ clausulâ irritante, aliisque pœnis in transgressores, d. c. unico hoc tit.

§. 2. *Episcopus unus loci ad aliam postulari, non eligi potest.*

Similiter Episcopus, cum Ecclesiæ suæ spiritali matrimonio alligatus sit, c. 2, & c. 3, Ext. De translac. Episcop. ad alium Episcopatum non eligi,

sed postulari debet, c. 4, c. fin. Ext. hoc tit. Idem obd. servandum est & in cæteris impedimentis Canonici; dummodò eorum dispensatio neque difficilis, neque dura Ecclesiæ futura sit. Panorm. ad c. fin. n. 8, circa fin. Ext. De postulat. Pralat. ubi eleganter distinguit.

§. 3. *Cautio circa postulationem.*

Cavendum verò in postulatione est, ne is, qui postulandus est, eligatur, seu postuletur, hujus verbi, *postulo*, mentione factâ, d. c. fin. Licet enim jure antiquo promiscuus usus esset verborum, Postulationis & Electionis, §. his omnibus dist. 61, can. Exteras dist. 63, hodie tamen à se invicem plane distincta sunt, d. c. fin. ad eò ut ne quidem hæc formula admittantur, *Eligo postulandum*, vel, *Postulo eligendum*: cum nec vera electio, nec vera postulatio resulter ex ipsis, quin sibi potius invicem advertentur; aut *Eligo in postulandum*, vel *Postulo in eligendum*; cum rem imperfe ctam significare volentur. Item *Eligo & Postulo* prout potest melius de jure 22, valere (cum incertitudinem contineant, ceter. est in cap. unico De postulat. lib. 6,) nisi postremâ hæc specie probabiliter dubitaretur, utrum quis eligendus,

us, an postulandus esset. Quo casu postulator aut electus consensus tempore (quod menstruum est post praesentationem sibi factam, cap. Quam sit 6, de elect. lib. 6.) viam electionis vel postulationis (ne in incerto vagetur) eligere necessario tenetur, & unâ electâ ad alteram regressum non habet, d. c. unico.

§ 4, de votis postulantium.

Sed de suffragiis postulantium videamus. Et enim, si omnium vota in unum eundemque conveniunt; dubium non est, quin postulatio legiri-

mè celebrata sit, cap. 3, & 4, in fine Ext. eod. cap. Cupientes 16, §. fin. de elect. lib. 6, idem, si pro majore parte postulantium, Godfredus, quem sequitur Panorm. ad d. cap. 3, n. 12, & probatur per text. in l. Quod major 19, D. Ad municip. in cap. 1, in fine Ext. De his que fiunt à Prelat. At si concurrat postulatione cum electione, hinc necesse est, numerus postulantium duplo major sit eligentium; alioqui electio praefertur, c. Scriptum 40, Ext. De elect. & ibi laudè Panorm. & Imola. Et ratio est, quia postulatio gratiâ nicitur, electio jure, quod expugnatum difficilius est.

## DE CONFIRMATIONE.

## TITULUS XIII.

## §. 1. Electus confirmari debet.

Practâ electione, non statim electus administrandæ Ecclesiæ suæ jus habet, sed necesse est, prius confirmetur à superiore suo, cap. Nihil 44, Ext. De elect. Abbas enim, alique inferiores, à suo Episcopo, cap. Cum monasterium 13, Ext. De elect. Episcopus à suo Archiepiscopo, cap. Dilectus 33, eod. cap. 2, Ext. De translat. Episc. can. fin. dist. 64, Archiepiscopus à suo Patriarcha, & hic consequenter à S. Pontifice confirmandi sunt, nisi ex his quispiam Romanæ Sedi immediatè subjectus sit: aut S. Pontifex singulari jure sibi reservaverit confirmationem, veluti in Episcopis Germaniæ vigore Concordatorum. Panorm. ad cap. Cum Ecclesia 31, n. 8, Ext. De elect. per cap. Antiquam De privileg. Hostiens. in Summa hoc tit. num. 27, Confer & Pontificale Rom. Et quæ ad calcem hujus Summæ invenies. Nam his casibus confirmatio petenda erit à Sede Apostolica, d. cap. Nihil §. ceterum cap. Cum venerabilis 7, Ext. De consuet.

§. 2, De necessitate confirmationis.

Quæ usque ad eò obtinent, ut, si electus, omniâ confirmatione, quovis etiam titulo aut prætextu administrationi Ecclesiæ suæ se ingesserit, jus ex electione sibi quaesitum ipso facto amittat, cap. Avaritia De elect. lib. 6, d. cap. Nihil 44, circa princ. cap. Qualiter 7, Ext. De elect. His tamen exceptis, qui extra Italiam in concordia electi, à S. Pontifice confirmandi sunt; quibus ex concessione Concilii Lateranensis, propter necessitatem Ecclesiarum & utilitatem, potestas facta

est etiam ante confirmationem administrandæ spiritualia quàm temporalia Ecclesiæ suæ; dummodò ex rebus Ecclesiasticis nihil profus alienent, d. cap. Nihil 44, §. ceterum eod. Idque à Bonifacio VII. & ad Abbatissas certo modo projectum est, in cap. Indemnitatib. 43, §. si verò §. ceterum eod. in 6.

§. 3, Ordo petendæ confirmationis.

Ceterum petendæ confirmationis ordo hic à Gregorio X. in Concilio Lugdunensi præscriptus est, ut electores, quamprimum commodè possunt, electi assensum habeant, quem electus intra mensem à tempore insinuatæ electionis accommodare, & deinde intra tres alios menses subsequentes, confirmationem petere tenetur, sub pœna privationis juris per electionem sibi adquisiti, nisi justa causa electi moram excuset, c. Quam sit 6, de elect. lib. 6, Verùm postea Nicolaus III hoc trimestre tempus immutavit in electis ad Cathedrales vel Regulares Ecclesias, quorum confirmatio ad Summum Pontificem spectat, vel interjectâ appellatione devolvitur; ut infra unum mensem post consensum vel notitiam electionis, ipsi se ad Sedem Apostolicam iter arripiant, & ad conficiendum tantum temporis sumant, quantum necesse erit pro locorum intervallo. Pleraque alia adjecit, quæ ex ipso contextu Decretalis rectius petuntur, c. Cupientes 16, De elect. lib. 6, juncto c. Si postquam 33, eod. lib. 6.